



Uunga: Inatsisartunut ilaasortaq, Sara Olsvig
Inuit Ataqtigiit
//Maani

**Meeqqanut ulloq unnuarlu paaqqinniffinnik pilersitsineq ingerlatsinerlu pillugit
Namminersorlutik Oqartussat nalunaarutaat nr. 19, 24. novembari 2017-imeersoq
pillugu § 37 naapertorlugu apeqqummut nr. 2018- 227-imut akissut**

06-09-2018
Sags nr. 2018 - 17893
Akt. id. 8658445

Meeqqanut ulloq unnuarlu paaqqinniffinnik pilersitsineq ingerlatsinerlu pillugit
Namminersorlutik Oqartussat nalunaarutaat nr. 19, 24. novembari 2017-imeersoq
pillugu pillugu apeqqutinnut qujanaq.

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Akissutigataaani takuneqarsinnaavoq.

**1. Naalakkersuisut Meeqqanut ulloq unnuarlu paaqqinniffinnik pilersitsineq
ingerlatsinerlu pillugit Namminersorlutik Oqartussat nalunaarutaat nr. 19, 24.
novembari 2017-meersumi § 7, meeqqat arlaliullutik ineeqqami
najugaqatigiileqqissinnaanissaat periarfissanngortikkumallugu
allanngortikkumavaat?**

Meeqqanut ulloq unnuarlu paaqqinniffinnik pilersitsineq ingerlatsinerlu pillugit
Naalakkersuisut nalunaarummik nutaamik suliaqaleruttorput.

Meeqqanut ulloq unnuarlu paaqqinniffinnik pilersitsineq ingerlatsinerlu pillugit
Naalakkersuisut nalunaarutaanni nutaami § 7, imm. 1 naapertorlugu aaqqissuussinissaq
pillugu piumasaqaatit iluarsaanneqassapput.

**2. Nalunaarummi pineqartumi § 31 assigiimmik akissarsiaqarnermut sulinermilu
atugaqarnissamat piumasaqaataasoq pillugu paaqqinnittarfinni suliffeqarfittut
imminut pigisuni akissarsiaqarnermut sulisunullu atugassarititaasunut
tunngatillugu Naalakkersuisut nalunaarutitigut qummut killilersuinnginneranik
erseqqissaassutiginnittumik Naalakkersuisut allannguuteqartitsiniarnerpat?**

Tulliuttuni innimigineqartut tunngavigalugit § 31, imm. 1 ima paasineqassaaq:

Ulloq unnuarlu paaqqinniffiit imminut pigisut Namminersorlutillu Oqartussanit
ingerlanneqartut akissarsiatigut assigiimmik atugassaqaartitsissasut nalunaarut
aqqutigalugu anguniarneqarpoq, misilittakkammi malillugit ulloq unnuarlu paaqqinniffiit
imminut pigisut sulisussarsiornermut atatillugu unammilleqatigiinnermi
iluqauserneqarsinnaassagaluar mata.

Kommunit ulluunerani paaqqinniffiutai Namminersorlutillu Oqartussat ulloq unnuarlu
paaqqinniffiutai isumaqatigiissutinut pituttorsimapput, taamaalillutillu
sulisussarsiornermini ajornartorsiorsinnaallutik, pissuserlu nalinginnaasumik akissarsiat
qaffakkiartuinnavinneranik kinguneqarsinnaavoq. Peqatigisaanik akissarsiat

qaffasinnerusut akissarsiallu killilersugaanngitsumik pilersinneqartartut akigititanik qaffasinnerusunik kinguneqassapput, taamaalillutillu kommunit ulloq unnuarlu paaqqinnitffinnut inissiinerminni aningaasartuutaannut qaffassaataassallutik. Isumaqtigiissutit atuuttut malillugit ilaatigut ilinniaqqinnissamut ilinniarnerrullu nanginnissaanut tapiisoqarnissamut periarfissaqarpoq. Matumuunattaaq sulisut ilinniaqqinnissamut ilinniarnerrullu nanginnissaanut kajumissuseqalersitsisoqarsinnaavoq.

Ulloq unnuarlu paaqqinniffiit imminut pigisut sulisoqarniarnersa killilersimaarneqarnerat siunertaanngimmat erseqqissarneqassaaq. Paaqqinniffiit taakku sulisut qanoq katitissanerlugit qanorlu aqutsisoqarnermik aaqqissuunnissaat nammineerlutik aalajangertarpaat. Ulloq unnuarlu paaqqinniffiit sulisunik assigiinngitsunik pisariaqartitsipput, imaappoq sullitat apeqqutaatillugit piginnaasanik assigiinngitsunik, sulisut amerlassusaannik assigiinngitsunik il.il. pisariaqartitsisarlutik, taamaammat tassunga killiliisoqanngilaq. Sulisut katitigaanerak akigititaa aalajangersarneqarnerannut atatillugu nalilersorneqartarpoq. Sullinniakkanut paaqqinniffimilu perorsaaneramik suliassamut naleqqiullugu ulloq unnuarlu paaqqinniffik eqqortumik sulisunik katiterisimanerpa? Kommunit akimut naleqquttumik sullinneqartarpat?

Misilittakkat malillugit ulloq unnuarlu paaqqinniffinni sulisuusartut taarseraattartorujussuupput, taamaattoqarneratalu ulloq unnuarlu paaqqinniffinni ataasiakkaani meeqqat inuusuttullu inersimasunut attaveqarniarnerat tatiginnissinnaanerallu ajornakusoortittarpaat. Tamanna meeqqat atugarissaarnerannut ineriartornerannullu iluaqutaanngilluinnarpoq. Taamaammat ulloq unnuarlu paaqqinniffinni tamani aallaaviatigut assigiissaartumik tulluurtumillu akissarsiatigut atugassaqaqtitsisoqartariaqarpoq, taamaattoq ulloq unnuarlu paaqqinniffiit arlallit sulianut tunngasut pissutigalugit sulisumik immikkuullarissunik piginnaasalinnik pisariaqartitsisinnaapput, tamannalu pissutigalugu akissarsianik qaffasinnerusunik akissarsisitsisinnaallutik, ulloq unnuarlu paaqqinniffiilli allat agguaqatigiissitsinermit amerlanerusunik sulisoqarnissamik pisariaqartitsisinnaallutik.

Siunertarineqartup illuatungaani aalajangersakkap paasineqarsinnaanera pissutigalugu, aalajangersakkap erseqqissaavigineqarsinnaanera isumaliutigineqarpoq, kiisalu nalunaarutip ilitseruutitaani aalajangersakkap siunertaa siunertarisaalu allanneqassanersut isumaliutigineqarluni.

Tassunga atatillugu maluginiarneqassaaq ilinniartitaanermi suliassaqaqfimmi aalajangersakkat assingusut atornerqartarmata, tassani ajornartorsiutit misilittakkallu assigiipput. Taamaammat suliassaqaqfimmi malittarisassaliorneq taamaatiinnarneqassanngilaq, kisianni malittarisassani ukkatarineqartut siunertarineqartullu erseqqissarneqassallutik.

Naggasiullugu pingaaruteqarpoq taassallugu kommunit tassaammata ulloq unnuarlu paaqqinniffinnut imminut pigisunut meeqqanik inissiinerminni aningaasartuuteqartut. Taamaammat aalajangersakkap inaarutaasumik imassaa ilusissaalu nalunaarutip tusarniutigineqarneranut kommunit Naalakkersuisunut akissutaat apeqqutaatillugit suliarineqassaaq.

3. Ulloq unnuarlu paaqqinnittarfiit pillugit nalunaarummi nutaami allangortinneqartariaqartunik allanik Naalakkersuisut maluginiagaqarsimappat?

Akuersissuteqartarnermut ingerlatseriaatsip aaqqiiviginissaa pisariaqarsinnaasoq, nalunaarutip massakut atuuttup ukioq ataaseq ingerlareersimanerani nalilersuinerup takutippaa, tassani ullormut unnuamullu akigititamut sullissinerit suut ilaanersut, kiisalu naatsorsuutitut missingersuutinullu piumasaqaatit pineqarlutik.

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Naalakkersuisut nalunaarutissaattut nutaatut siunnersuut pisortatigoortumik sapaatit akunnerini tulliuttuni tusarniutigineqassasoq naatsorsuutigineqarpoq.

Inussiarnersumik inuulluaqqusillunga



Doris J. Jensen